

# YANGI O‘ZBEKISTON

Ijtimoiy-siyosiy gazeta

№ 232 (1293), 2024-yil 15-noyabr, juma



www.yuz.uz



yuz.uznews



yuz\_official



yuz.uz\_news



yuz



## AHOLI SALOMATLIGINI SAQLASH DAVLATIMIZ IJTIMOY SIYOSATINING ENG MUHIM YO‘NALISHLARIDAN BIRIDIR

**Prezident Shavkat Mirziyoyev 14-noyabr kuni kasalliklarni erda aniqlash va samarali davolashga oid takliflar taqdimoti bilan tanishdi.**

Davlatimizning ijtimoiy siyosatida sog‘liqni saqlash sohasi katta o‘rin egallaydi. So‘nggi yetti yilda bu tizimga ajratilayotgan mablag‘lar 6 karra oshirilgan. Oldin faqat Toshkentda bajarilgan 400 dan ortiq yuqori texnologik amaliyotlar bugun viloyat va tumanlarda ham o‘tkazilyapti.

Kasalliklarni erda aniqlash maqsadida onkologiya, endokrinologiya, kardiologiya markazlari hududlarda skrining tekshiruvlari olib boryapti. Masalan, 1 million 700 ming nafar ayol skrining qilinib, 49 mingda saraton oldi kasalliklari topilgan. Bu yil yarim yillikda 122 ming nafar aholida urak qon-tomir va qandli diabet erda bosqichda aniqlangan.

Aholi salomatligini saqlash — uzluksiz jarayon. Sohadagi tahlil va talabdan kelib chiqib, muhim yo‘nalishlar bo‘yicha takliflar tayyorlangan. Taqdimotda shular haqida so‘z bordi.

Ma‘lumki, davolashdagi eng katta muammo — kasallikning kech yuzaga chiqishi. Shu bois, Prezidentimiz tashabbusi bilan Qashqadaryoda, tajriba tariqasida, onkologiya bo‘yicha har bir erda aniqlangan holat uchun tibbiyot brigadalariga 2 million so‘mdan mukofot berish joriy

qilindi. Natijada oilaviy shifokorlar o‘z mahallasidagi 51 nafar ayol va bolalarda shunday belgilarni aniqladi. Buning uchun 102 million so‘m mukofot puli berilib, kech bosqichda sarflanadigan 8 milliard so‘m mablag‘ tejalgan.

Tahlillarga ko‘ra, jami onkologik kasalliklarning o‘rtacha 20-25 foizi ayollardagi ko‘krak bezi va bachadon saratoniga to‘g‘ri keladi. Shu bois, bu borada skrininglarni kengaytirish va ularning reyestrini yuritish rejalashtirilmoqda.

Shuningdek, gematologiya, kardiologiya, endokrinologiya kasalliklarini erda aniqlash va ularni davolash bo‘yicha uch yillik dasturlar bu yil yakuniga yetadi. Mutasaddilarga erishilgan natijalarni hisob-kitob qilib, ularning muddatini uzaytirish bo‘yicha ko‘rsatma berildi.

Tibbiyot muassasalariga markazlashgan holda dorilar xarid qilishda ham kamchiliklar bor. Ba‘zi shifoxonalarda talabga nisbatan kam olingan bo‘lsa, ba‘zilarida dorilar ortib qolgan.

Shu bois, dori vositalari va tibbiy buyumlarni o‘n besh oylik talab asosida xarid qilish tizimi taklif etilmoqda. Bunda kelgusi yillar uchun ehtiyojlar 1-avgustdan

kechikmasdan, Davlat budjeti parametrlari bilan bir vaqtda shakllantiriladi.

Shuningdek, Sog‘liqni saqlash vazirligi huzurida “Xaridlar markazi” va uning 13 ta hududiy filiali tashkil qilinadi. Markazga 2025-yil 1-yanvardan boshlab, original dori vositalari va yopiq turdagi laborator uskunalari uchun sarflayotgan vositalarini bevosita ishlab chiqaruvchidan to‘g‘ridan to‘g‘ri xarid qilishga ruxsat beriladi.

Yana bir taklifga ko‘ra, donorlarni qo‘llab-quvvatlash kengaytiriladi. Jumladan, “O‘zbekiston Respublikasi faxriy donori” ko‘krak nishoni olganlarga bir yo‘la beriladigan pul mukofoti bazaviy hisoblash miqdorini 5 baravaridan 15 baravarigacha oshiriladi. Ularga jamoat transportidan bepul foydalanish huquqi beriladi, davlat sihatgohlarida davolanish navbatsiz bo‘ladi.

Ushbu yangi tizim kelgusi yil 1-yanvardan joriy qilinishi belgilandi.

Mamlakatimizda sanitariya va fitosanitariya choralarini bo‘yicha Jahon savdo tashkilotini xabardor qilish tartibini yo‘lga qo‘yish masalasi ham ko‘rib chiqildi.

O‘ZA

## Yangi O‘zbekiston ruhi



## UMUMIY FAROVONLIK VA TARAQQIYOT YO‘LIDA DOIMO TAYYORLIK BU YANGI O‘ZBEKISTONNING BASHARIYAT TAQDIRIGA DAXLDOR TASHABBUSLARIDA O‘Z AKSINI TOPMOQDA

**O‘tayotgan hafta o‘zgarayotgan dunyo tashvishlari muhokamasi bilan to‘lib-toshdi. Insoniyatni behad tashvishga solib kelayotgan muammolar yechimiga qaratilgan takliflar, tashabbus va g‘oyalari, davlat va hukumat rahbarlari oliy darajasidagi uchrashuvlar ruhi dunyo jamoatchiligi e‘tiborini Ar-Riyod (Saudiya Arabistoni) va Boku (Ozarbayjon) shaharlariga qaratdi.**

11-noyabr kuni Ar-Riyod shahrida Falastin muammosiga bag‘ishlangan navbatdan tashqari arab-islom sammiti bo‘lib o‘tdi.

Sammitda Prezidentimiz ham ishtirok etib, Falastin — Isroil muammosini tinchlik va diplomatiya yo‘li bilan hal etishga qaratilgan barcha amaliy tashabbuslarni to‘liq qo‘llab-quvvatladi.

Davlatimiz rahbari shu kunning o‘zida Ozarbayjon Respublikasi Prezidenti Ilhom Aliyevning taklifiga binoan amaliy tashrif bilan Boku shahriga keldi.

12-13-noyabr kunlari Boku shahrida BMTning Iqlim o‘zgarishi to‘g‘risidagi hadli konvensiyasi Tomonlari konferensiyasining 29-sessiyasi (COP29) doirasidagi Jahon yetakchilari sammiti bo‘lib o‘tdi.

Ana shu dunyoviy sammitda ishtirok etgan Prezidentimiz mamlakatlar liderlari ichida eng faol ishtirok etgan va eng ko‘p uchrashuvlar o‘tkazgan davlat rahbari sifatida e‘tibor qozondi.

Shavkat Mirziyoyev konferensiyadagi nutqida beshta muhim taklif va tashabbusni bildirdi. Birinchidan — rivojlanayotgan mamlakatlarga iqlim xatarlarini aniqlash uchun yetakchi davlatlar va xalqaro institutlarning texnik ko‘magini kengaytirish dolzarbliqi qayd etildi.

“Bu borada iqlim tufayli yo‘qotish va zararlarni baholash bo‘yicha xalqaro markaz ta‘sis etishni taklif qilamiz”, dedi davlatimiz rahbari.

Davomi 3-betda

## O‘ZBEKNING MA‘NAVIY INQILOBI

**Yurt va xalq istiqboli yo‘lida  
QANDAY BIRLASHILADI?**

Nuqtayi nazar

Taraqqiyot jamiyati a‘zolari dunyovarashi, olam va odamga munosabatlari zaminida maydonga keladigan hodisalarni o‘z ichiga oladi. Yangi asr o‘zbek jamiyati o‘z istiqbolini belgilab olishi uchun ijtimoiy sohaning barcha jabhalarida jiddiy islohotlarni amalga oshirishga kirishganini bugun dunyo hamjamiyati ko‘rib turibdi. Prezidentimizning siyosiy irodasi va tashabbusi bilan O‘zbekistonda xususiy sektorni rivojlantirish siyosati qo‘llab-quvvatlanishi boshqa sohalar singari ta‘lim tizimida ham jiddiy islohotlarning dunyo yuzini ko‘rishiga sabab bo‘ldi.



Bugun xususiy bog‘chalar tashkil etilishi bolalarimizda go‘daklik chog‘laridan dunyoni anglashning eng ilg‘or metodlariga asoslangan tarbiya jarayoni shakllanishiga sabab bo‘lgan bo‘lsa, xususiy maktablardagi

ta‘lim-tarbiya tizimi davlat ta‘lim muassasalarinikidan qolishmayotgani, ayrim hollarda samarali natijalarni qo‘lga kiritayotgani qunvonarli hol.

Davomi 5-betda

## SUV SARFI RAQAMLASHMAS EKAN, MUAMMO KO‘PAYIB BORAVERADI



### Munosabat

Suv — hayot, salomatlik, oziq-ovqat, energiya va atrof-muhit uchun eng muhim resurs. Bozorlarimiz to‘kinligi, dasturxonimizning turli noz-ne‘matlarga to‘laligi, oziq-ovqat ta‘minoti barqarorligi bevosita ushbu ne‘matga bog‘liq. Shuning uchun bugun suvga bo‘lgan talab va ehtiyoj har qachongidan ortib bormoqda. Natijada butun dunyoda suv tanqisligi kuzatilyapti.

Ma‘lumotlarga ko‘ra, Markaziy Osiyoning ayrim hududlarida 2040-yilga borib, suv resurslariga talab uch barobar oshadi. Vaqt o‘tishi bilan iqtisodiy zarar yalpi mintaqaviy mahsulotning 11 foiziga yetishi kutilyapti. Vaqtda ta‘sirchan choralar ko‘rilmasa, suv taqchilligi oqibati hududdagi ijtimoiy-iqtisodiy barqarorlikka jiddiy putur yetkazishi mumkin.

Suv tanqisligi tobora kuchayayotgan bugungi kunda mamlakatimizda obiyotni qadrlash, tejab foydalanishga alohida e‘tibor qaratilayotgani sababi ham shunda. Xususan, so‘nggi yillarda 472 ming gektar yer tomchilatib va 48 ming gektar yer yomg‘irlatib sug‘orishga o‘tkazildi, 97 ming gektar maydonda boshqa suv tejavchi texnologiyalar joriy qilindi.

Davomi 4-betda

### Bugunning gapi

**YOQILSA — ZAHAR,  
ko‘milsa — ozuqa**

4

### Toshoyna

**SHAXS  
TARBIYASI SARI...**

**Odatga aylanayotgan  
illatlar, omadini  
kutayotgan tavakkalchilik**

6









